



SOGFBiH

SAVEZ OPĆINA I GRADOVA
FEDERACIJE BOSNE I HERCEGOVINE
Association of municipalities and cities of the BiH

GODINA: XII

BROJ: 205

DATUM: 10.07.2015.GODINE



Usluge Saveza

• PRAVNO SAVJETOVALIŠTE:

Selma Fišek, viši saradnik za pravna pitanja
fax: + 387 33 552 810
selma@sogfbih.ba

• FINANSIJSKO SAVJETOVALIŠTE:

Nermin Fatkić, viši saradnik za finansijska
pitanja
fax: + 387 33 552 810
nermin.fatkić@sogfbih.ba

Sadržaj biltena:

Zlatko Hujić, načelnik Općine B.Petrovac
izabran za najnačelnika u BiH

Stvaraju se pretpostavke za izgradnju
najvećeg i najskupljeg turističkog kom-
pleksa u BiH

Općina Kreševo izdala Vodič za investi-
tore

U Usori potpisan ugovor o otvaranju
150 novih radnih mjesta

Za projekte uređenja vodotokova u
općinama B.Krupa, B.Petrovac i Cazin
150.000KM

Intervju sa načelnikom Općine Ilijaš
Akifom Fazlićem

Dodjeljenja priznanja evropskog pok-
reta

U Tuzli održana konferencija iz oblasti
lokalnog ekonomskog razvoja

Misija OSCE-a u BiH i UN Woman
promoviraju rodnoodgovorno budžeti-
ranje

Održano 35. svjetsko prvenstvo u muš-
čarenju

Raspisani prijevremeni izbori za načel-
nika Općine Fojnica

Najava održavanja poslovno-
investicionog foruma u Ključu

Glavni gradovi članica EU dobijaju
snažniji glas u institucijama EU

Bilten Saveza općina i gradova Federacije Bosne i Hercegovine

ZLATKO HUJIĆ, NAČELNIK OPĆINE BOSANSKI PETROVAC IZABRAN ZA NAJNAČELNIKA U BiH



Načelnik Z.Hujić prilikom preuzimanja plakete

Na 32. dodjeli nagrada i priznanja za najuspješnije menadžere srednje i jugoistočne Evrope, u organizaciji Agencije za izbor najmenadžera BiH, načelniku Općine Bosanski Petrovac uručeno je specijalno priznanje „Najnačelnik općine u BiH za 2015. Godinu“, dok je načelniku Općine Cazin mr. Nerminu Ogrševiću uručeno je specijalno priznanje „Menadžer decenije“.

Na prigodnoj ceremoniji, kojoj su prisustvovala brojne zvaničnice iz privrednog, kulturnog i javnog života, dodijeljeno je tridesetak nagrada najuspješnijim menadžerima i kompanijama iz različitih oblasti biznisa, te nekolicina nagrada najuspješnijim pojedincima koji ne rade direktno u biznisu, ali svojim aktivnostima utiču i prave

povoljniji ambijent za biznis i ekonomiju.

Stručni žiri, kojim je predsjedavao Tomislav Antunović iz Hrvatske, među 927 nominiranih, nagradio je ukupno 25 najuspješnijih menadžera iz regiona kojima su priznanja dodijeljena na svečanoj akademiji koja je održana 3. jula/srpnja u sarajevskoj Vijećnici.

Kako je istaknuto, birani su pojedinci koji su u svom radu ostvarili uspjeh i vanserijski rezultat, potpuno neovisno od nacionalne ili političke pripadnosti. Po riječima Paneta Škrbića, organizatora svečanosti, nagrada za najnačelnika se dodjeljuje za izvanredne rezultate u razvoju općine, izgradnju infrastrukture i stvaranja ambijenta za biznis, te zbog njegovanja dobrih međunarodnih odnosa u općini.

Za načelnika Općine Bosanski Petrovac, Zlatka Hujića, ovo je bila još jedna potvrda dosadašnjeg rada, ali i odlična prezentacija Bosanskog Petrovca. „Načelnici moraju djelovati brzo i treba im omogućiti da, kao i menadžeri u preduzećima, djeluju u konkurentnom okruženju, da se natječu za investitore, da djeluju poduzetno. Funkcija načelnika, u mojoj viziji, jeste menadžerska i ja to tako radim. Drago mi je da je moj rad i trud prepoznat od strane uspješnih poslovnih ljudi i to mi je motivacija da radim još brže i progresivnije. Ja čestitam svojim Petrovčanima, jer ovo je, prije svega, naše zajedničko priznanje“, kazao je načelnik Hujić, dobitnik specijalnog priznanja „Najnačelnik općine u BiH za 2015. godinu.“

Za načelnika Ogrševića, ovo je bila još jedna potvrda dosadašnjeg rada, ali i odlična prezentacija Cazina. „Drago mi je da se na jednom ovakvom susretu poslovnih ljudi, uspješnih menadžera i ličnosti, mogao predstaviti Cazin. Još jedno priznanje za ono što je urađeno predstavlja i novi izazov da se nastavi dalje, još bolje i još uspješnije. Ja čestitam svojim Cazinjanima, jer ovo je, prije svega, naše zajedničko priznanje“, kazao je načelnik Ogršević. Četiri dana ranije, mr. Nermina Ogrševića, Evropski pokret u BiH proglasio je za ličnost godine u F BiH.



Načelnik N.Ogršević, menadžer decenije

STVARAJU SE PRETPOSTAVKE ZA IZGRADNJU NAJVEĆEG I NAJSKUPLJEG
TURISTIČKOG KOMPLEKSA U BIH

Sa potpisivanja ugovora

Načelnik Općine Trnovo u FBiH Ibro Berilo, direktor Zavoda za planiranje razvoja Kantona Sarajevo Hamdija Efendić i izvršni direktor firme "Buroj Property Development" iz Ujedinjenih Arapskih Emirata Ismail Ahmed potpisali su danas u Sarajevu, ugovor o izradi prve faze regulacionog plana "Sportskog-rekreacionog centra Bjelašnica – Donja Grkarica – Prečko polje – Kolijevka". Potpisivanju ugovora, koje je upriličeno u sjedištu Vlade Federacije BiH prisustvovali su i federalni premijer Fadil Novalić, kantonalni premijer Elmedin Konaković.

Potpisivanje ugovora rezultat je pregovora između predstavnika Općine Trnovo i kompanije Buroj Property Development, a vezano za izgradnju integrisanog turističkog grada na području općine Trnovo u čiju realizaciju će biti uloženo 930 miliona eura (oko 1,8 milijardi KM). Predviđeno je da će realizacijom ovog projekta biti izgrađen najveći i najskuplji turistički kompleks na području jugoistočne Evrope, a pravo građenja kompaniji Buroj Property Development je dato na 99 godina.

Načelnik Općine Trnovo Ibro Berilo kazao je da je ovo historijski dan za BiH i Trnovo.

"Do sada je realizirano 70 posto administrativnog posla, a naredni korak je eksproprijacija zemlje u iznosu od dva miliona KM, što će biti urađeno u sljedećih 60 dana", kazao je Berilo.

Direktor Zavoda za planiranje razvoja Kantona Sarajevo Hamdija Efendić pojasnio je da će izradom regulacionog plana biti osigurana putna komunikacija prema novom turističkom gradu.

Direktor kompanije Buroj Property Development Ismail Ahmed poručio je da će ova firma raditi proaktivno s ciljem da izgradnja naselja krene što prije.



Maketa Buroj Ozone

"Za deset godina BiH će biti zemlja prilika i velikih mogućnosti, s velikim brojem radnih mjesta, a svaki investitor sanjat će da bude vlasnik makar jednog metra zemlje u BiH", poručio je Ahmed.

Projektno rješenje koje posjeduje kompanija Buroj Property Development bit će prilagođeno našim okolnostima, terenu, nadmorskoj visini i drugim elementima koje je potrebno analizirati. Lokalitet na kojem će se graditi turističko naselje prema prostornom planu Kantona Sarajevo predviđen je za taj sadržaj.

KORISNI LINKOVI ZA
PREDPRISTUPNE FONDove EU:

www.southeast-europe.net
www.adriaticipacbc.org
www.interregadriatico.it
www.europa.ba
www.cbib-eu.org
www.cbc.bih-mne.org
www.srb-bih.org
www.cbc-cro-bih.net
www.programmemeu.eu
www.tacso.org
www.euroinfocentar.ba
www.balkanfund.org
www.eurelmed.com
www.eacea.ec.europa.eu

OPĆINA KREŠEVO IZDALA VODIČ ZA INVESTITORE



Vodič za investitore

U Vodiču su navedeni svi bitni čimbenici koje bi potencijalni investitori trebali znati kako bi imali jasnu sliku o uvjetima za investiranje na području naše općine.

Kao izrazite prednosti u odnosu na druga područja i druge općine navedeni su podaci prema kojima su najniže naknade za gradnju u BiH: od cijena građevinske i urbanističke dozvole, preko uporabne dozvole i godišnje naknade za korištenje građevinskog zemljišta pa do cijene građevinskog zemljišta, ali i deset razloga koji bi potencijalne investitore mogli navesti da se opredijele upravo za Kreševo: dobar geoprometni položaj, učinkovita administracija, visoko kvalificirana radna snaga, sigurnost, itd.

Vodič je preveden i na engleski jezik te tiskan, pa će biti razaslan na mnoge adrese, a dostupan je, u obje verzije, i na službenoj općinskoj web-stranici www.kresevo.ba.



U USORI POTPISAN UGOVOR O OTVARANJU 150 NOVIH RADNIH MJESTA



Načelnik Ilija Nikić i Ricardo Ferretto, potpisivanje ugovora

Načelnik Općine Usora Ilija Nikić potpisao je 7. jula/srpanja ugovor s predstavnicima talijanske tvrtke "Ferretto Group", kojim je definirano premještanje proizvodnih kapaciteta ove kompanije iz Vicenze (Italija) u Usoru.

"Ponosni smo, što unatoč gospodarskoj i ekonomskoj krizi koja je zahvatila cijelu zemlju, možemo biti pozitivan primjer stvaranja perspektive i otvaranja novih radnih mjesta", kazao je načelnik Nikić te istaknuo kako će dolazak kompanije "Ferretto Group" značiti egzistenciju za

oko 150 obitelji ove općine.

"Vjerujem kako je ovo samo početak dolaska stranih ulaganja u našu Usoru", rekao je Nikić i naglasio kako su u tijeku ozbiljni pregovori za dolazak još jedne inozemne kompanije.

"U Usoru su dobrodošli svi koji žele pošteno i transparentno raditi i poslovati", zaključio je načelnik Nikić.

Ricardo Ferretto, vlasnik talijanske kompanije je izrazio zadovoljstvo potpisanim ugovorom, te zahvalio na profesionalnosti i suradnji općinskoj administraciji na čelu s načelnikom.

Ferretto Group je kompanija svjetskog renomea i dugogodišnje tradicije u oblasti metalne industrije, koja je svoj cjelokupan proizvodni pogon odlučila preseliti u našu zemlju.

Ozbiljna strategija privlačenja inozemnih investicija, koja podrazumijeva minimum administrativnih zapreka i povoljne cijene industrijskih zemljišta u Usori, privukla je talijanske ulagače koji će, kako je to predviđeno ugovorom, u razdoblju od dvije godine izgraditi proizvodne kapacitete i otvoriti 120 – 150 novih radnih mjesta.

*Ozbiljna strategija
privlačenja inozemnih
investicija, koja
podrazumijeva minimum
administrativnih zapreka i
povoljne cijene
industrijskih zemljišta u
Usori, privukla je
talijanske ulagače...*

ZA PROJEKTE UREĐENJA VODOTOKOVA U OPĆINAMA B. KRUPA, B. PETROVAC I CAZIN 150.000 KM



U Ministarstvu poljoprivrede, vodoprivrede i šumarstva Vlade USK 2. jula/srpnja organizirano je potpisivanje ugovora sa predstavnicima općina Bosanska Krupa, Bosanski Petrovac i Cazin za sufinansiranje projekata iz sredstava od vodnih naknada. Za tri projekta u ovim općinama osigurano je ukupno 150.000 KM. Ugovore su potpisali resorni kantonalni ministar Dragan Polimanac i načelnici općina Bosanski Petrovac i Bosanska Krupa Zlatko Hujčić i Armin Halitović.

Sredstva su planirana programom utroška sredstava vodnih naknada za uređenje vodotoka s ciljem sprečavanja poplava i za

uređenje gradskih vodovodnih mreža.

"Bosanski Petrovac dobio je 40.000 KM za rekonstrukciju i dogradnju već postojeće vodovodne mreže. Vremena su teža nego prije, ali moram primijetiti da ovo Ministarstvo radi više nego prije, i ovaj sastav Vlade, na čelu sa premijerom, više nam se posvetio. Mi, u Bosanskom Petrovcu smo im zahvalni na tome, ističe Zlatko Hujčić", načelnik Općine Bosanski Petrovac.

Općina Cazin, čiji će načelnik Nermin Ogrišević također potpisati ugovor, dobila je 60.000 KM za čišćenje vodotoka rijeke Mutnice, a Bosanska Krupa dobila je 50.000 maraka za novu fazu regulacije potoka Kalender u MZ Krupa II u naselju Krečana.

"Ovo je deseta faza projekta, radimo u skladu sa našim mogućnostima, i odlučni smo da završimo projekat", kaže Armin Halitović, načelnik općine Bosanska Krupa.



INTERVJU SA NAČELNIKOM OPĆINE ILIJAŠ AKIFOM FAZLIĆEM

Autor: Aida Muratović, <http://www.ilijas.ba>

03. juli/srpanj 2015. Općina Ilijaš postaje prepoznatljiva kao moderno-urbana općina, prvenstveno zbog uspješnog provođenja lokalne politike Općinskog načelnika Akifa Fazlića. Sa načelnikom Općine Ilijaš Akifom Fazlićem razgovarali smo o realizovanim projektima, ekonomskoj situaciji na području naše općine, radu lokalne vlasti, strateškim pravcima Općine te mnogim drugim temama. Intervju prenosimo u cijelosti.



Akif Fazlić, načelnik Općine Ilijaš



Grb Općine Ilijaš

Gospodine Fazliću, kažite nam, prije svega, koji su to projekti realizovani u prvim mjesecima 2015. godine i kolika je njihova finansijska vrijednost?

U prvim mjesecima ove godine realizovani su sljedeći, veoma važni projekti, od kojih, prema kriteriju vrijednosti investicionog ulaganja, možemo izdvojiti sljedeće: Projekt rekonstrukcije i izgradnje regionalne ceste u Podlugovima u vrijednosti od 230.000,00 KM; asfaltiranje puta za Sovrle u dužini od 800 m, čija vrijednost iznosi 100.000,00 KM; zamjena stolarije na zgradi Općine u svrhu energetske efikasnosti u vrijednosti 100.000,00 KM; projekt izgradnje mosta na rijeci Rači u Srednjem, uz izgradnju pješačke staze u dužini od 25 m, čija vrijednost iznosi 84.407,85 KM; izvođenje radova na regulaciji korita rijeke Misoče – ispod OŠ "Stari Ilijaš" u vrijednosti radova od 197.197,15 KM. Vrijednost radova u 2015. godini 53.532,93 KM. Osim navedenog, izdvajam radove na asfaltiranju puta za Katane u MZ Misoča u dužini od 500 m – vrijednost projekta 48.025,57 KM, sanacija klizišta u Solakovićima (sanacija odrona na putu za Solakoviće i dijela puta u dužini od 500 m) – vrijednost radova 39.459,88 KM, sanacija puta Zenik – Stari grad Dubrovnik u dužini od 3.100 m (proširivanje puta i tamponiranje) – vrijednost radova 87.827,28 KM i asfaltiranje prostora oko MZ Lješevu – površina 624 m² te projekti deminiranja u saradnji sa Centrom za uklanjanje mina – BH MAC: Kostraca (75.968 m²), Solakovići – Vrbilje (16.558 m²), Solakovići – Vrbilje I (58.421 m²), Groblje Desava – Ljubina (7.407 m²), Moševići (59.772 m²) i Medojevići (30.311 m²).

Većina lokalnih zajednica u BiH susreće se sa mnogobrojnim ekonomskim problemima. Recite nam, u kakvoj se ekonomskoj situaciji nalazi općine Ilijaš i koji su to privredni subjekti na području naše općine nosioci razvoja?

Općina Ilijaš kao i ogromna većina drugih lokalnih zajednica u BiH se susreće sa snažnim ekonomskim problemima koji su uglavnom izazvani općim makroekonomskim prilikama kojima je izložena i šira društvena zajednica, država i region. Kao krucijalni problem se nameće visoka stopa nezaposlenosti koja je prvenstveno opći socijalni, ali svakako i ekonomski problem na koji pokušavamo da pozitivno utičemo u skladu sa povjerenim nadležnostima i realnim mogućnostima lokalne zajednice. Smatramo da u tom smislu u posljednje vrijeme ostvarujemo značajne pomake, jer bilježimo snažnije pozitivne promjene nivoa zaposlenosti, te povećanje broja privrednih subjekata i u tom smislu možemo istaći da očekujemo da će se ovaj pozitivni trend nastaviti i u narednom periodu. Ono što je također važno istaći je da imamo izvozno orijentiranu industriju sa relativno visokim učešćem u ukupnom izvozu Federacije Bosne i Hercegovine od 2,05 % ili 12,90 % učešća u ukupnom izvozu Kantona Sarajeva. Nosioci privrednog razvoja na teritoriji općine Ilijaš su uglavnom mala i srednja preduzeća koja zapošljavaju do 250 zaposlenih. Preko 90 % ukupnih privrednih aktivnosti na teritoriji općine Ilijaš se praktično odvija u njima, to su pretežno proizvodni privredni subjekti, te subjekti iz oblasti građevinarstva i pratećih usluga, te oblasti poljoprivredne proizvodnje, ostatak su uglavnom trgovinska preduzeća i subjekti koja se bave pružanjem usluga. U oblasti industrijske proizvodnje izdvajamo privredne subjekte iz oblasti metaloprerađivačke i drvoprerađivačke industrije, te u posljednje vrijeme se javlja određeni broj privrednih subjekata koji se bave preradom poljoprivrednih proizvoda.

Na koje oblasti su fokusirani strateški pravci Općine i koji su preduslovi za njihovu realizaciju?

Strateški pravci na koje smo trenutno snažno fokusirani su smanjivanje stope nezaposlenosti, modernizacija postojeće i gradnja nove infrastrukture, podržati, odnosno osigurati projekte iz oblasti turizma, zaštite okoliša i energetske efikasnosti. Sve navedeno nastojimo provesti samostalno i u saradnji sa drugim nadležnim institucijama kroz niz mjera i programa, od kojih

KORISNI LINKOVI ZA PREDPRISTUPNE FONDove EU:

www.southeast-europe.net
www.adriaticipacbc.org
www.interregadriatico.it
www.europa.ba
www.cbib-eu.org
www.cbc-bih-mne.org
www.srb-bih.org
www.cbc-cro-bih.net
www.programmemed.eu
www.tacso.org
www.euroinfocentar.ba
www.balkanfund.org
www.eurelmed.com
www.eacea.ec.europa.eu

"...bilježimo snažnije pozitivne promjene nivoa zaposlenosti, te povećanje broja privrednih subjekata i u tom smislu možemo istaći da očekujemo da će se ovaj pozitivni trend nastaviti i u narednom periodu."



Ilijaš panorama

izdvajamo sljedeće: jačanje saradnje lokalne zajednice sa privrednim sektorom u cilju stvaranja boljeg poslovnog ambijenta na teritoriji općine Ilijaš, aktivna uloga općine u cilju privlačenja domaćih i inostranih investitora, provedba općinskih stimulativnih mjera u cilju smanjenja stope nezaposlenosti. U tom smislu, realiziraju se sljedeći projekti: poljoprivredni poticaji, podrška brzorastućim malim i srednjim preduzećima, stimulacija razvoja "start up" biznisa, stvaranje povoljnog ambijenta za razvoj malog i srednjeg poduzetništva, projekt uspostave nove Industrijske zone "Luke" Ilijaš, aktivna uloga lokalne zajednice u promovisanju kulturno – historijskih vrijednosti i prirodnih bogatstva lokalne zajednice, sistemski pristup u

oblasti prostornog planiranja, zaštiti okoliša i energetske efikasnosti postojećih i novoizgrađenih objekata na teritoriji Općine Ilijaš. Osnovni preduslov za realizaciju navedenih strateških pravca je osigurati stabilnost općinskog budžeta iz kojeg se mogu izdvajati adekvatna sredstva za finansiranje pojedinačnih projekata po predmetnim oblastima. U tom smislu smatramo da više finansijskih sredstava treba izdvajati za razvojne projekte, kojima će se ostvariti dugoročna stabilnost javnih prihoda, te smanjiti nivo postojeće socijalne ovisnosti o sredstvima iz općinskog budžeta.

U posljednje vrijeme cijeni se politika otvorenih vrata, dakle imamo velika ulaganja, nove i vrijedne investicije, otvaraju se nova radna mjesta na području Općine Ilijaš. Da li će Općina Ilijaš, na čelu sa Vama, nastaviti sa poboljšanjem kvaliteta života građana naše općine?

Svakako da smatramo da su povećana otvorenost lokalne zajednice i razvoj institucionalne saradnje u proteklom periodu pomogli bržem lokalnom ekonomskom razvoju, novim investicijama i samim tim otvaranju značajnog broja novih radnih mjesta. Konkretno se možemo pohvaliti, da smo u proteklom periodu u oblasti zapošljavanja, ostvarili najbolje rezultate na nivou lokalnih zajednica unutar Kantona Sarajevo, ali i šire sa indeksom promjene nivoa zaposlenosti od 133,52 u periodu mart 2015/avgust 2014, sa 842 novootvorena radna mjesta u posmatranom periodu. Međutim, naročito želim istaći, da je kvalitet života građana općine fokus mog angažmana i angažmana općinskih Službi, kojeg pokušavamo unaprijediti, putem planiranih mjera, programa i projekata unutar različitih oblasti, kao što su: zapošljavanje, izgradnja infrastrukture, zaštita okoliša, socijalna i zdravstvena zaštita, administrativne usluge, obrazovanje i sl. Sve navedeno možemo kontinuirano unapređivati samo na način da ravnomjerno utičemo na razvoj svih segmenata društva, odnosno svih stubova održivog razvoja, kao što su ekonomski i društveni razvoj, te zaštita i unapređenje životne sredine i razvoja lokalne i regionalne infrastrukture. U svom radu naročito ističem bitnost efikasnosti rada lokalne administracije, značaj razvoja male privrede, jačanje saradnje i razmjene iskustava sa međunarodnim institucijama, drugim lokalnim zajednicama i višim nivoima vlasti i jačanju svijesti o bitnosti zaštite životne sredine i osiguranju investicija u obnovljive izvore energije. Naravno, ovim tempom i u ovom pravcu moramo i nastaviti, jer otvorenošću i proaktivnim pristupom problemima ostvarujemo pozitivne rezultate, kako ekonomske, u smislu povećanja nivoa zaposlenosti lokalnog stanovništva tako i društvene, koji se ogledaju kroz bolje funkcioniranje postojećih društvenih institucija i razvoj nove društvene infrastrukture, naročito u oblasti zdravstva i obrazovanja. U budućem periodu, također planiramo realizirati značajna sredstva u cilju zaštite životne sredine i razvoj komunalne i saobraćajne infrastrukture na teritoriji naše lokalne zajednice. Svi ovi elementi skupa i još mnogo nenavedenih faktora utiču na opredjeljenje ljudi, naročito mlade populacije da Ilijaš smatraju mjestom u kojem će ostati, ali i u koje će dolaziti nove generacije mladih i produktivnih ljudi sa željom da svoj kreativni rad i profesionalna opredjeljenja realiziraju na teritoriji naše lokalne zajednice.

Još jedan od gorućih problema u BiH jeste nezaposlenost, prije svega, mladih ljudi. Da li ste zadovoljni stepenom zaposlenosti na području općine Ilijaš i koji su to pravci djelovanja lokalne vlasti u ovoj oblasti?

Zadovoljni smo ostvarenim napretkom u oblasti zapošljavanja koji je općina Ilijaš realizovala, međutim nezaposlenost je i dalje gorući problem naše lokalne zajednice i svakako da pored dobrih rezultata koje smo do sada ostvarili i dalje nismo zadovoljni trenutnom stopom nezaposlenosti. Set projekata kojima nastojimo osigurati nove investicije i povećati nivo zaposlenosti lokalnog stanovništva, a posebno populacije mladih se ogleda u sljedećem: – Uspostava aktivne saradnje sa nadležnim državnim i međunarodnim razvojnim institucijama i organizacijama koje na direktan način mogu da pomognu u procesu osiguranja investicijskih ulaganja na području šire zajednice, samim tim i na području teritorije općine Ilijaš, kao što su: Državna agencija za promociju stranih investicija – FIPA, Ministarstvo privrede Kantona Sarajevo i

Pratite Savez općina
i gradova FBiH na



Pratite Savez općina
i gradova FBiH na



"Konkretno se možemo pohvaliti, da smo u proteklom periodu u oblasti zapošljavanja, ostvarili najbolje rezultate na nivou lokalnih zajednica unutar Kantona Sarajevo, ali i šire sa indeksom promjene nivoa zaposlenosti od 133,52 u periodu mart 2015/avgust 2014, sa 842 novootvorena radna mjesta."



Ilijaš gradsko šetalište

ostala nadležna kantonalna ministarstva, Federalno ministarstvo razvoja, poduzetništva i obrta, Sarajevska regionalna razvojna agencija – SERDA, te veliki broj međunarodnih organizacija i institucija koja se bave problematikom lokalnog razvoja kao što su Deutsche Gesellschaft für Internationale Zusammenarbeit – GIZ, Regional Environmental Center – REC i slično; – Izgradnja poduzetničke infrastrukture, prvenstveno razvoj nove industrijske zone, Industrijska zona "Luke", Ilijaš na površini od 16,6

ha, sa 50 novih investicijskih lokacija, ukupne bruto građevinske površine od 161.767 m², procijenjene infrastrukturne vrijednosti od oko 11.000.000,00 KM; – Podrška razvoju malog i srednjeg poduzetništva i podsticaj poljoprivrednoj proizvodnji; – Jačanje saradnje sa postojećim privrednim subjektima na teritoriji Općine u cilju rješavanja postojećih disfunkcionalnosti i stvaranja boljeg poslovnog ambijenta za njihov rast i razvoj; – Ulaganje napora u cilju rješavanja problema mladih. U okviru ove mjere ističemo: stipendiranje nadarenih učenika i studenata, usvajanje integralne "Strategije održivog razvoja Općine Ilijaš 2013-2017.", usvajanje posebne sektorske strategije "Strategija prema mladima Općine Ilijaš sa akcionim planom", pomoć brzorastućim malim i srednjim privrednim subjektima koji uglavnom i zapošljavaju mlade, te trenutno u saradnji sa Sarajevskom regionalnom razvojnom agencijom – SERDA-a, planiramo razviti poduzetnički "start up" paket koji će prvenstveno biti namijenjen mladima i koji će se biti realiziran u narednom kratkoročnom periodu.

Općina Ilijaš bilježi konstantno napredovanje u oblasti zdravstvenog sektora. Urađeno je mnogo posla, kako bi se građanima općine Ilijaš obezbijedila kvalitetna zdravstvena usluga. Koji su to najvažniji projekti, koji su realizovani zahvaljujući Općini Ilijaš?

Na području općine Ilijaš u sastavu JU Doma zdravlja Ilijaš djeluju i Ambulante porodične medicine u Srednjem, Kamenici, Gajevima, Podlugovima i Mrakovu. U oktobru 2013. godine, kada smo otvorili Ambulantu porodične medicine u Mrakovu završen je ciklus otvaranja ambulanti porodične medicine na području Općine Ilijaš, utvrđen Odlukom o usvajanju mreže ambulanti porodične medicine u JU Dom zdravlja Kantona Sarajevo. Realizaciju ovog Projekta u vrijednosti od 350.000,00 KM finansirala je Općina Ilijaš i Ministarstvo zdravstva Kantona Sarajevo. Opremu za ambulantu je obezbijedilo Federalno ministarstvo zdravstva. Od 1. oktobra 2014. godine u saradnji sa JU Zavodom za hitnu medicinsku pomoć Kantona Sarajevo, obezbijedili smo 24 satno dežurstvo hitne pomoći na području Općine Ilijaš. U prošloj godini u saradnji sa JU Dom zdravlja Kantona Sarajevo i JU Zavodom zdravstvenog osiguranja Kantona Sarajevo, otvorili smo i Dijabetološko savjetovalište i Centar za mentalno zdravlje, što je jedan veliki napredak u oblasti zdravstvene zaštite, možda i san građana naše općine jer više ne moraju odlaziti u druge općine i tražiti ove usluge. U februaru ove godine, također u saradnji sa JU Dom zdravlja Kantona Sarajevo, i JU Zavodom zdravstvenog osiguranja, otvorena je stomatološka ordinacija u JU Osnovna škola "Stari Ilijaš". Ova stomatološka ordinacija pruža usluge ne samo učenicima ovog školskog područja, nego i učenicima svih osnovnih škola s područja Općine Ilijaš. Uskoro očekujemo i otvaranje Radiološke službe. Također imamo zahtjev JU Zavoda za zaštitu žena i materinstva Kantona Sarajevo, za nabavku savremenijeg ultrazvučnog aparata, za čiju nabavku smo spremni kroz Budžet Općine Ilijaš obezbijediti novčana sredstva u iznosu od 30%. Trenutno vodimo intenzivne aktivnosti oko nadzidiivanja jednog sprata Objekta Općine Ilijaš i dva sprata objekta Doma zdravlja Ilijaš, čime ćemo dobiti 500 m² prostora Doma zdravlja i riješiti problem nedostajućeg prostora za pojedine službe Doma zdravlja Ilijaš. Ukupna vrijednost ovog Projekta je cca 1.200.000,00 KM a u skorije vrijeme ćemo započeti i fazu realizacije Projekta nadzidiivanja. Posljednjih par dana također smo i u pregovorima oko otvaranja Apoteke u Mrakovu, Ministarstvo zdravstva Kantona Sarajevo je već izdalo saglasnost za rad jedne apoteke na ovom području. Kada sve ovo uzmemo u obzir ne možemo biti nezadovoljni, i ovom prilikom zahvalio bi se i istakao izuzetnu saradnju sa nadležnim institucijama iz oblasti pružanja zdravstvene zaštite građanima kako na Kantonalnom tako i na Federalnom nivou.

Općina Ilijaš kroz mnogobrojne podsticaje nastoji obezbijediti povoljne uslove za razvoj poljoprivredne proizvodnje na području naše općine. Koje aktivnosti su poduzete u vezi sa podrškom ilijaškim poljoprivrednicima?

KORISNI LINKOVI ZA PREDPRISTUPNE FONDOVE EU:

www.southeast-europe.net
www.adriaticipacbc.org
www.interregadriatico.it
www.europa.ba
www.cbib-eu.org
www.cbc.bih-mne.org
www.srb-bih.org
www.cbc-cro-bih.net
www.programmmed.eu
www.tacso.org
www.euroinfocenter.ba
www.balkanfund.org
www.eurelmed.com
www.eacea.ec.europa.eu

"...neharmonizirano zakonodavstvo i funkcionisanje viših nivoa vlasti i javnog sektora vrlo često usporava i otežava realizaciju mnogih projekata, najčešće u oblastima korištenja prirodnih resursa, pristupa energetskim medijima, dobivanju raznih dozvola i saglasnosti, legalizaciji bespravno izgrađenih objekata, rješavanju sporova iz oblasti provođenja javnog interesa i drugo."



Općina Ilijaš ima značajne mogućnosti za razvoj određenih poljoprivrednih proizvodnji koje se mogu staviti u funkciju ukupnog razvoja Kantona Sarajevo i rješavanja problema nezaposlenosti. Općina Ilijaš je jedna od rijetkih općina koja iz svog budžeta izdvaja sredstva za podršku poljoprivrednoj proizvodnji. Iznos sredstava u ovoj godini je preko 200.000,00 KM, a također i pojedinačne stavke za proizvodnju su ostale iste sa akcentom na stočarsku i plasteničku proizvodnju. Odluka o novčanim podrškama za poljoprivrednu proizvodnju se donosi u kontinuitetu od 2004. godine i zajedno sa programima KS i Federacije BiH je u značajnoj mjeri imala za rezultat kako povećanje obima poljoprivredne proizvodnje tako i zapošljavanje stanovništva naročito u ruralnim dijelovima općine. Sa ovim mjerama podrške poljoprivrednim proizvođačima, stvorena je prilika i šansa da se poljoprivredna imanja opreme i podignu na jedan viši nivo što je određeni broj i uspio, tako da danas imamo za rezultat moderne farme u proizvodnji mlijeka, tovu junadi, proizvodnji konzumnih jaja, brojlera itd. Prakticiranje organske proizvodnje je jedan novi model kojim se u prirodnim uslovima kakvim raspolaže općina Ilijaš, može unaprijediti i ponuditi tržištu. Potrošači žele organske proizvode i spremni su platiti i veću cijenu za njih. U posljednje vrijeme, veoma je iskazan interes poljoprivrednika za plasteničku proizvodnju, tako da je u posljednje dvije godine, na principu samofinansiranja sa nevladinom organizacijom Muslim Aid i minimalnim učešćem zainteresovanih proizvođača implementiran projekat nabavke 40 plastenika površine 100 m² sa kompletnom pratećom opremom. Općina Ilijaš će nastaviti da pruža podršku poljoprivrednim proizvođačima kako bi povećali poljoprivrednu proizvodnju i stvorili nova radna mjesta.

Koji su najčešći problemi sa kojima se suočava Općina Ilijaš?

Poteškoća i problema ima dosta, one su sistemske i operativne naravi. Generalno, ustavno-pravni položaj lokalnih zajednica sa reduciranim nadležnostima općina i postojećim zakonskom rješenjima koja definišu njihov fiskalni kapacitet ne omogućavaju općinama da aktivno i uspješno realizuju svoje nadležnosti, koje su im definisane Europskom poveljom o lokalnoj samoupravi. Druga nezaobilazna stvar je društveno-ekonomski ambijent opterećen zastojećima u rješavanju gotovo svih bitnih pitanja za bosanskohercegovačko društvo što onemogućava općine da razviju šire aktivnosti prije svega u sferi infrastrukture i ekonomije. Treće, neharmonizirano zakonodavstvo i funkcionisanje viših nivoa vlasti i javnog sektora vrlo često usporava i otežava realizaciju mnogih projekata, najčešće u oblastima korištenja prirodnih resursa, pristupa energetske medijima, dobivanju raznih dozvola i saglasnosti, legalizaciji bespravno izgrađenih objekata, rješavanju sporova iz oblasti provođenja javnog interesa i drugo. Četvrto, neriješeno pitanje vojne imovine zbog kojeg se lokalitet kasarne Misoča ne može staviti u funkciju ekonomskog razvoja. Naravno da je tu još dosta problema koji se svakodnevno rješavaju.

Načelnice Fazlić, kažite nam, koji su to projekti koje namjeravate realizovati u narednom periodu?

Mnogo je projekata koji će se realizirati ili započeti u ovoj godini. Ono što trenutno radimo i što smo stavili u prioritet je sanacija posljedica prošlogodišnjih poplava. Ovdje prevashodno mislimo na klizišta i putnu infrastrukturu. Upravo se realizuje projekat rekonstrukcije i sanacije puta Povoča – Korita i klizišta Povoča, ukupne vrijednosti 150.000,00 KM, te se vrše pregradnje za sanaciju klizišta u Srednjem i Čevljanovićima. Drugi veliki projekat koji je u fazi realizacije je Projekat izgradnje sistema odvodnje oborinskih i fekalnih voda u Industrijskoj zoni "Luka" i naselju Luka, ukupne vrijednosti 370.000,00 KM, koji treba da se završi do mjeseca septembra ove godine. U ovoj godini, također planiramo izgraditi po jednu fazu kanalizacije u Ljubinićima, Kadarićima, Malešićima i Kamenici, kao i desetak puteva po mjesnim zajednicama shodno Operativnom planu za 2015. godinu. U toku ljeta namjeravamo izgraditi moderno dječje igralište u gradu i konačno započeti veliki projekt nadogradnje i uređenja zgrade Općine i Doma zdravlja, u vrijednosti od preko jedan milion KM, a koji treba da se upotpunosti završi u 2016. godini.

"...ustavno-pravni položaj lokalnih zajednica sa reduciranim nadležnostima općina i postojećim zakonskom rješenjima koja definišu njihov fiskalni kapacitet ne omogućavaju općinama da aktivno i uspješno realizuju svoje nadležnosti, koje su im definisane Europskom poveljom o lokalnoj samoupravi."

U posljednjih nekoliko godina na području općine Ilijaš realizovani su mnogobroji projekti, koji su od izuzetne važnosti za građane općine. Shodno tome, općina Ilijaš, postala je mjesto ugodnog življenja. Kako Vi, kao Općinski načelnik ali i stanovnik ovog grada vidite općinu Ilijaš u narednom periodu?

Općinu Ilijaš u narednom periodu vidim kao prosperitetnu, ekonomski srednje razvijenu općinu u kojoj će primat imati industrija, prije svega metalurško-metalna i drvna industrija, a zatim poljoprivreda i turizam. Također, Općina Ilijaš će biti općina razvijene društvene, komunalne i saobraćajne infrastrukture na cijelom njenom teritoriju sa izgrađenim turističkim kapacitetima na Bijambarama i Crnorijskoj visoravni, sa ekonomski valoriziranim kulturno-historijskim naslijeđem, posebno starobosanskog grada Dubrovnika i nekropole stećaka u Kopošićima, sa izgrađenim apartmanskim naseljima kao i drugim turističkim sadržajima, potpuno integriranu infrastrukturu i funkcionalno sa gradom Sarajevom. Nadalje, općinu Ilijaš vidim sa rekonstruiranom i moderniziranom regionalnom cestom prema Sarajevu, sa asfaltiranim glavnim lokalnim putevima, te u velikoj mjeri riješenim tretmanom otpadnih voda, sa realizovanim projektima energetske efikasnosti svih javnih objekata, sa izgrađenim sportskim kompleksom i gradskim stadionom kao njegovim centralnim dijelom. Na kraju, uvjeren sam da ćemo biti Općina u koju će ljudi sve više dolaziti, te iz koje će sve manje odlaziti, u kojoj će mladi ljudi imati sve više šansi, i u kojoj će moći zadovoljiti sve svoje životne i društvene potrebe.



Amra Babić, načelnica Općine
Visoko

KORISNI LINKOVI ZA PREDPRISTUPNE FONDOVE EU:

www.southeast-europe.net
www.adriaticpacbc.org
www.interregadriatico.it
www.europa.ba
www.cbib-eu.org
www.cbc.bih-mne.org
www.srb-bih.org
www.cbc-cro-bih.net
www.programmemed.eu
www.tacso.org
www.euroinfocentar.ba
www.balkanfund.org
www.eurelmed.com
www.eacea.ec.europa.eu

DODJELJENA PRIZNANJA EVROPSKOG POKRETA

Evropski pokret u BiH i ove godine je dodjelio priznanja bh. institucijama, političarima i organizacijama a koje promoviraju evropske vrijednosti unutar BiH. Svečana akademija i dodjela priznanja je upriličena u Domu kulture u Brčkom, 29. juna/lipnja u prisustvu predstavnika institucija, nevladinog sektora i međunarodne zajednice, prenijeli su mediji.

Na samom početku svečane akademije uz intonaciju himne BiH i EU, prisutnima se kratko obratio Predrag Praštalo, predsjednik Evropskog pokreta u BiH, te istako bitnost i neophodnost u slijeđenju evropskog puta za BiH.

Ovogodišnja priznanja su dodjeljena kako lokalnim zajednicama, tako i zaslužnim pojedincima koji rade na osiguranju evropskog puta BiH. Tako su ovogodišnji nosioci priznanja razvrstani po kategorijama:

Članovi Predsjedništva BiH: Mladen Ivanić, Bakir Izetbegović i Dragan Čović dobitnici su priznanja za evropskog političara godine.

Priznanje za međunarodnu promociju BiH pripalo je ministru vanjskih poslova Igoru Crnadku, dok je nagrada za evropski grad BiH otišla u Brčko distrikt BiH. Evropski gradonačelnik BiH za 2015. je Anto Domic – gradonačelnik Brčko distrikta, dok je evropska parlamentarka BiH Borjana Krišto. Martin Raguž je dobitnik priznanja za evropskog parlamentarca. Branislav Borenović je dobitnik priznanja za evropskog narodnog poslanika iz RS, dok je prema ocjenama Evropskog pokreta u BiH najodgovorniji političar BiH Mirko Šarović, u istoj kategoriji za područje FBiH priznanje je pripalo Marinku Čavari, a u RS-u je otišlo u ruke Mladena Bosića, kao i Esedu Kadriću za područje Brčko-distrikta.

Zekerijah Smajić dugogodišnji novinar je proglašen za najevropljanina BiH dok je ličnost godine Petar Čorluka, a u istoj kategoriji još su nagrađeni: Mićo Mičić (RS), Ilija Studen (Brčko distrikt) i **Nermin Ogršević** (FBiH).

Evropski vizionar godine je Admir Nuković, dok je priznanje za razvoj tolerancije i pomirenje naroda otišlo u ruke dvojice načelnika Obrena Petrovića (Doboj) i Zorana Stevanovića (Zvornik). Osim priznanja za razvoj tolerancije i pomirenje naroda u opštinu Zvornik je otišlo i priznanje za najtolerantniju lokalnu zajednicu u BiH.

Priznanje za partnere evropskih integracija dobili su **Husejn Smajlović, gradonačelnik Zenice** i **Nusret Helić, načelnik Gračanice**, dok su priznanja za partnere procesa EU integracija primili Tahir Lendo i Igor Radočić.

Jasminka Begić, načelnica općine Doboj Jug je primila priznanje kao najbolja žena načelnica BiH.

Priznanje za najboljeg menadžera – načelnika BiH 2015 primio je Milorad Simić (Derventa), a za područje FBiH **Smiljan Vidić** (Čapljina)

Općina Doboj Jug je ove godine od strane Evropskog pokreta prepoznata i kao evropski otvoreni grad, za što je **načelnica Jasminka Begić** primila priznanje, a osim općine Doboj Jug ovo priznanje primili su još: Općina Novi Travnik, Brčko distrikt BiH i Općina Jajce.





U TUZLI ODRŽANA KONFERENCIJA IZ OBLASTI LOKALNOG EKONOMSKOG RAZVOJA

Udruženje za razvoj NERDA zajedno s partnerima, 23. juna/lipnja u Tuzli organizovalo je prvu tematsku konferenciju u okviru projekta "Jačanje poslovnog okruženja za više malih i srednjih preduzeća (MSP) u Tuzli i susjednim općinama" (BEST 4 SMEs). Projekat finansira Evropska unija (EU) kroz program IPA 2011 - Podrška lokalnom ekonomskom razvoju u Bosni i Hercegovini, a implementira ga Udruženje za razvoj NERDA u saradnji s Gradom Tuzla, Općinom Srebrenik, Općinom Kalesija i Tehnološkim parkom BIT Centar Tuzla kao partnerima. Vrijednost projekta je 566.778,67 eura, od čega je 85 % sufinansiranje EU.

Cilj projekta jeste unaprijediti poslovno okruženje u pomenute tri općine poboljšanjem poslovne infrastrukture, poboljšanjem nivoa i kvaliteta usluga za postojeća i nova mala i srednja preduzeća, kao i poboljšati međuopćinsku saradnju kroz realizaciju inicijativa u oblasti lokalnog ekonomskog razvoja.

Tema prve konferencije u okviru zajedničkog projekta bila je uspješno upravljanje i primjeri dobre prakse Grada Tuzla u oblasti lokalnog ekonomskog razvoja. Predstavnici Službe za razvoj, poduzetništvo i društvene djelatnosti Grada Tuzla te BIT Centra Tuzla, predstavili su dosadašnje rezultate, kao i planove Grada Tuzla za naredni period.

Učesnici konferencije su bili predstavnici Ministarstva razvoja i poduzetništva TK, općina u Tuzlanskom kantonu i organizacija koje se bave ekonomskim razvojem. Predstavljanje iskustava Grada Tuzla, načina uspostave i funkcionisanja instrumenata lokalnog ekonomskog razvoja bilo je posebno korisno partnerskim općinama, kao i drugim koje su zainteresovane za kreiranje zajedničkih razvojnih intervencija na lokalnom nivou u narednom periodu.



Sa konferencije u Tuzli

MISIJA OSCE-a U BIH I UN WOMEN PROMOVIRAJU RODNO ODGOVORNO BUDŽETIRANJE U ODABRANIM OPĆINAMA BIH



Kao dio napora ka poboljšanju statusa žena putem rodno odgovornog budžetiranja, Misija OSCE-a u Bosni i Hercegovini i agencija UN Women potpisali su 16. juna/lipnja Memorandum o razumijevanju sa načelnicima i predstavnicima Grada Prijedora i općina Lukavac, Odžak i Šamac. Memorandumom se ozvaničava spremnost na provedbu projekta pod nazivom "Inicijativa za uvođenje rodno odgovornog budžetiranja na lokalnu razinu". Projekt ima za cilj da istakne pitanja od značaja za ravnopravnost spolova unutar

programa i budžeta na lokalnoj razini, da ojača nadzor nad politikama djelovanja, programima, planovima i budžetima lokalnih tijela vlasti usmjerenim ka ispunjenju obaveza ostvarenja ravnopravnosti spolova, kao i da omogući razmjenu dobrih primjera iz prakse.

Direktor Odjela za ljudsku dimenziju Misije OSCE-a, Kendall Palmer, je konstatirao da Misija OSCE-a u BiH prepoznaje ravnopravnost spolova kao suštinski element mira, demokratije i sigurnosti. "Proces uvođenja rodno odgovornog budžetiranja također predviđa učešće i suradnju izvršnih i zakonodavnih tijela vlasti, kao i građana. Stoga se očekuje da će i drugi aspekti uprave poboljšati suradnju između tijela skupština opština i općinskih vijeća, izvršne vlasti i građana".

Anne-Marie Esper Larsen iz agencije UN Women je rekla kako je "nama u UN Women drago da su načelnici općina Lukavac, Šamac, Odžak i grada Prijedora pokazali blagovremeno političko vođstvo, tako što su svoje zaposlene uključili u obuku o rodno odgovornom budžetiranju, i vjerujemo da će četiri općine imati značajne koristi od ove obuke".

Rodno odgovorno budžetiranje predstavlja metodologiju planiranja, programskog djelovanja i budžetiranja od strane tijela vlasti koje doprinosi većoj ravnopravnosti spolova i ostvarenju ljudskih prava žena.

Ovaj projekt će se provoditi od 16. juna/lipnja do 31. decembra/prosinca 2015. godine.



Organization for Security and
Co-operation in Europe
Mission to Bosnia and Herzegovina



United Nations Entity for Gender Equality
and the Empowerment of Women

ODRŽANO 35. SVJETSKO PRVENSTVO U MUŠIČARENJU

U pet gradova Bosne i Hercegovine (Jajce, Donji Vakuf, Šipovo, Ribnik i Ključ), na četiri rijeke i jednom jezeru (Vrbaš, Pliva, Sana i Sanica i Plivsko jezero), u periodu od 17. do 21. juna/lipnja, 250 takmičara iz 31 države svijeta takmičilo se u Fly Fishingu. U izuzetno neizvjesnoj borbi Bosna i Hercegovina je osvojila bronzanu medalju. Šampionska titula, prvo mjesto i zlatna medalja pripala je ekipi Španiji. Drugo mjesto osvojila je ekipa Sjedinjenih Američkih Država, koja će biti i domaćin narednog, 36. Svjetskog prvenstva.

Bronzom su se okitili naši reprezentativci:

Aleksandar Đukić, Željko Prpić, Jovo Dević, Saša Jeremić, Siniša Bovan, Borislav Šmanja i Samir Kaluđer, selektor Igor Gromilić i pomoćnici Mile Kerkez i Sead Alijagić.

Iz Bosne i Hercegovine, sa zlatnom medaljom sa 35. Svjetskog prvenstva, odlazi Piotr Marchewka iz Poljske. Srebro je zasijalo na vratu Nikole Trebješanina iz Crne Gore, dok se bronzom okitio Devin Olsen iz Sjedinjenih Američkih Država.

Ovo je do sada bilo najmasovnije Svjetsko prvenstvo, po broju zemalja učesnica, a kako ističu gosti i najuspješnije organizovano. Najveću ribu na Prvenstvu, mladicu dužine 67 centimetara, ulovio je prvog takmičarskog dana na Vrbašu, Luis ANTUNEZ iz Čilea i osvojio Trofej Prvenstva.



RASPISANI PRIJEVREMENI IZBORI ZA NAČELNIKA OPĆINE FOJNICA

Centralna izborna komisija je na 41. sjednici, koja je održana 8. jula/srpnja donijela Odluku o raspisivanju i održavanju prijevremenih izbora za načelnika Općine Fojnica. Prema Odluci, izbori će se održati 6. septembra/rujna 2015. godine.

Naime, dosadašnji načelnik Općine Fojnica, Salkan Merdžanić, imenovan je za ministra u Ministarstvu poljoprivrede, vodoprivrede i šumarstva SBK, zbog čega je podnio ostavku na funkciju Općinskog načelnika. Načelnik Merdžanić je na na čelu Općine bio posljednjih jedanaest godina. Općinsko vijeće Fojnice je na vanrednoj sjednici, koja je održana 19. juna/lipnja, shodno važećim propisima, imenovalo Sabahudina Klisuru, člana Stranke demokratske akcije Fojnica i vijećnika OV Fojnica za vršiloca dužnosti načelnika do izbora novog.

KORISNI LINKOVI ZA
PREDPRISTUPNE FONDOVE EU:


www.southeast-europe.net
www.adriaticpacbc.org
www.interregadriatico.it
www.europa.ba
www.cbib-eu.org
www.cbc.bih-mne.org
www.srb-bih.org
www.cbc-cro-bih.net
www.programmmed.eu
www.tacso.org
www.euroinfocentar.ba
www.balkanfund.org
www.eurelmed.com
www.eacea.ec.europa.eu

NAJAVA ODRŽAVANJA POSLOVNO – INVESTICIONOG FORUMA U KLJUČU

U cilju uspješne realizacije lokalne strategije razvoja i njenih prioritetnih projekata u saradnji sa zainteresovanim pojedincima, institucijama i preduzećima Općina Ključ organizuje 24. jula/srpnja Poslovno-investicioni forum. Centralna tema Foruma je predstavljanje namjene Regulacionog plana prostornog obuhvata DI „Ključ“ u Ključu, atraktivnog poslovnog lokaliteta u gradskom središtu – površine 5 ha, na magistralnom putu Sarajevo – Bihać uz samu rijeku Sanu.

Namjera nam je da Poslovno-investicioni forum bude prepoznat kao tradicionalno mjesto promocije privatnih biznisa, razmjene iskustava i znanja i umrežavanja poslovnih aktivnosti u organizaciji Općine Ključ i partnera.

Detaljan plan organizacije Foruma biće objavljen naknadno.



Grb Općine Ključ



Musala 5/1

71000 Sarajevo

Telefon: ++387 33 216 502, 209 024, 209 120

Fax: ++387 33 552 810, 216 502

E-mail: dino@sogfbih.ba

Pratite nas na:

Pratite Savez općina i gradova Federacije Bosne i Hercegovine na



Pratite Savez općina i gradova FBiH na



Poštovani čitaoci,

putem ovog biltena pružamo Vam mogućnost da se informišete o aktivnostima Saveza, o bitnim dešavanjima u općinama i gradovima, aktivnostima naših partnera, institucija vlasti, kao i o razmjeni najboljih iskustava i praksi.

Na ovaj način Vam, također pružamo informacije o održanim konferencijama, seminarima, radionicama, okruglim stolovima, javnim raspravama, o održanim sjednicama organa i tijela Saveza.

Ukoliko želite da se prijavite za primanje ovog biltena možete to učiniti tako što ćete poslati e-mail na: dino@sogfbih.ba

Molimo vas da informacije o našem biltenu prosljedite svim u vašoj i susjednim općinama i drugim zainteresiranim.

Ukoliko želite da objavite neke od vaših novosti, iskoristite bilten Saveza, koji je brz i efikasan način komuniciranja.

Sa zadovoljstvom očekujemo vaše komentare, sugestije i primjedbe.

GLAVNI GRADOVI ČLANICA EU DOBIJAJU SNAŽAN GLAS U INSTITUCIJAMA EU

Na inicijativu dugogodišnjeg gradonačelnika Beča, Michaela Haupla, 21. aprila/travnja 2015. godine, predstavnici 28 glavnih gradova Evropske unije potpisali su Bečku deklaraciju „Snažan glas u Evropi“.

Kako je Evropa postala kontinent gradova, a predviđanje je da će do 2050. godine dvije trećine građana Evrope živjeti u gradskim područjima, time oni postaju i glavni stub koncepta ujedinjene Evrope. Dobro promišljene, dosljedne i predane odluke i aktivnosti svakodnevno se provode u evropskim gradovima kako bi se zaštitila i ojačala društvena i rodna jednakost, održivi gospodarski razvoj i budućnost demokratije u Evropi.

Bečka deklaracija se temelji na većem involviranju predstavnika gradova u strukture odlučivanja Evropske unije, a to će se realizovati kroz izradu Evropske urbane agende u Vijeću Evropske unije i stalnim predstavnicima gradova u Parlamentu EU.

Deklaracijom se uređuju odnosi između glavnih gradova, odnosno lokalnih samouprava i centralnih organa EU, odnosno Evropske komisije, a čime se omogućava i predstavnicima gradova učešće u raspravama u Evropskom parlamentu.

Zahtjevi građana evropskih metropola, sažeti u Bečkoj deklaraciji, uglavnom se baziraju na principu prilagođavanja osnovnih životnih uslova građanima, umjesto prilagođavanja građana zakonima. Kao probleme sa kojima se suočavaju evropske metropole, a koje bi mogle biti riješene primjenom Bečke deklaracije, je nemogućnost gradova da podižu kredite na međunarodnom finansijskom tržištu, privatizacija gradskih i općinskih ustanova, te sve manji broj radnih mjesta do čega dolazi udaljavanjem proizvodnje od konzumenata.

Bečka deklaracija se zalaže za:

- Integraciju urbane dimenzije u sve procese donošenja odluka EU-a;
- Standardiziranu provedbu Procjena utjecaja na urbana područja;
- Sistematsko uključivanje predstavnika gradova u stručne skupine Evropske komisije; podršku u imenovanju stručnjaka iz gradova nacionalnim stručnjacima;
- Evropsko vijeće: koordinacija različitih procesa koji se odnose na gradove na nivou EU-a;
- Evropski parlament: pravo govora odabranim političkim predstavnicima gradova; veće korištenje rasprava kako bi se osiguralo da se čuje glas predstavnika gradova;
- Dosljedno pridržavanje načela supsidijarnosti i razmjernosti;
- Gustoća stanovništva kao kriterij distribucije sredstava EU-a; daljnja dodjela ovlasti gradovima;
- Nezaposlenost mladih: stavljanje neiskorištenih sredstava EU-a direktno na raspolaganje velikim gradovima koji su najpogođeniji ovim problemom;
- Sporazumi o slobodnoj trgovini: bez ograničenja slobode izbora gradova;
- Finansijski djelokrug rada gradova: otvorene rasprave o tome kako učiniti postojeće odredbe fleksibilnijima i proaktivnijima kako bi se pružila podrška javnim ulaganjima u radna mjesta i rast koja su usmjerena prema budućnosti.

